

Folla de autobaremación

<u>Concepto</u>	<u>Puntuacións parciais</u>	<u>Total</u>
1. Antigüidade (Máximo 5 puntos) Por cada ano de funcionaria/o de carreira no corpo docente	0,50	
2. Méritos académicos (Máximo 2 puntos)		
2.1. Polo título de doutora/doutor	1	
2.2. Titulacións segundo ciclo	0,5	
2.3. Titulacións primeiro ciclo	0,25	
3. Formación e perfeccionamento (Máximo 6 puntos)		
3.1. Por cursos que teñan por obxecto o perfeccionamento sobre os aspectos científicos e didácticos, organizados polas administracións educativas (0,10 puntos por c/10 horas)	Ata 2 puntos	
3.2. Por outras actividades de formación	Ata 1 punto	
3.3. Por actividades de formación específica directamente relacionadas co posto que se solicita	Ata 3 puntos	
4. Publicacións, proxectos, innovacións técnicas (Máximo 3 puntos)		
4.1. Por publicacións de carácter didáctico, de carácter xeral	Ata 1 punto	
4.2. Por publicacións de carácter didáctico relacionadas co posto que solicita	Ata 2 puntos	
5. Servizos relacionados co posto (Máximo 2 puntos) Por cada ano de servizo en postos da Administración educativa relacionados coas funcións do posto que solicita	0,20	

Orde do 3 de marzo 2008 pola que se convoca concurso de méritos específico entre funcionarias/os de carreira dos corpos docentes que imparten ensinanzas en niveis non-universitarios para cubrir postos de profesoras/profesores en prazas sometidas a convenio ou a programas específicos desta consellería.

O Decreto 244/1999, do 29 de xullo, polo que se regula a cobertura de diversas prazas por funcionarias/os públicos docentes que imparten ensinanzas de niveis non-universitarios prevé, no seu artigo 3.2º, que as prazas que nel se indican poderán ser cubertas mediante o correspondente concurso específico de méritos e polo prazo que se determine na convocatoria, as devanditas prazas deberán ser provistas a través dun concurso específico de méritos para a súa provisión mediante nomeamento temporal con reserva do posto de traballo de orixe e polo tempo que se estableza na correspondente convocatoria que, en ningún caso, poderá exceder en máis de seis anos.

Así mesmo, o artigo 5 do devandito decreto establece que poden cubrirse por este mesmo procedemento aquelas prazas que, segundo as previsións que contén o artigo 59 da Lei orgánica 1/1990, do 3 de outubro, de educación xeral do sistema educativo, favorezan as elaboracións de proxectos, innovacións curriculares, metodolóxicas, etc. entre as que existen prazas de recente implantación ou de difícil cobertura polo procedemento ordinario.

Sendo necesaria a provisión de distintas prazas por mor dos diversos convenios entre a Administración educativa e distintas institucións ou entidades a que

se refire o artigo 3 do Decreto 244/1999, do 29 de xullo, e outras incluídas no artigo 5 do devandito decreto, e tendo en conta a habilitación que figura na disposición derradeira primeira do mesmo decreto que autoriza a conselleira de Educación e Ordenación Universitaria para ditar as disposicións que sexan precisas para a súa aplicación e desenvolvemento.

É polo que esta consellería de Educación e Ordenación Universitaria

DISPÓN:

Primeiro.-Convocar concurso público de méritos específico entre funcionarias/os de carreira dos corpos docentes que impartan ensinanzas de niveis non universitarios para adxudicar, en comisión de servizos, as prazas que figuran no anexo I desta orde.

Segundo.-Poderán participar nesta convocatoria as/os funcionarias/os de carreira dos corpos docentes que imparten ensinanzas en niveis non-universitarios, que se atopen en servizo activo na Comunidade Autónoma de Galicia no curso académico 2007-2008 e que estean en posesión do título de perfeccionamento en lingua galega ou do certificado de lingua galega 4 (Celga 4).

Enténdese tamén en situación de servizo activo na Comunidade Autónoma de Galicia o 31 de agosto de 2008 aquelas/aqueles docentes que, desde un destino definitivo da Comunidade Autónoma de Galicia, accederon a un posto docente no estranxeiro e que deben reincorporarse obrigatoriamente a esta comunidade no próximo curso académico.

Terceiro.-O prazo para a presentación de instancias para tomar parte nesta convocatoria, dirixidas ao

secretario xeral, será dun mes a partir do día seguinte ao da publicación desta orde no *Diario Oficial de Galicia*, e poderán presentarse no rexistro xeral da Consellería de Educación e Ordenación Universitaria, nas delegacións provinciais, ou ben na forma prevista no artigo 38.4º da Lei de réxime xurídico das administracións públicas e do procedemento administrativo común. No suposto de optar pola presentación da solicitude e demais documentación ante a oficina de correos, farase en sobre aberto para que a instancia sexa selada e datada pola/o funcionaria/o de correos antes de ser certificada.

Unha vez rematado o prazo de presentación de instancias e demais documentación, non se admitirá ningunha modificación nas peticións formuladas. Non obstante o anterior, admitirase renuncia á participación no concurso de méritos específico dentro do prazo establecido para as reclamacións sinaladas no punto sexto, entendendo que tal renuncia afecta a todas as peticións formuladas.

Cuarto.-Aínda que se concurse a máis dunha praza, as/os concursantes presentarán unha única instancia, acompañada dunha fotocopia desta e unha folla de autobarefacción, que aparece como anexo IV, e simultaneamente presentarán, para a demostración dos méritos, os documentos que se indican no baremo que aparece como anexo II.

As/os concursantes presentarán ademais:

-Proxecto de traballo sobre as liñas básicas de actuación para o desenvolvemento das funcións inherentes ao posto que se solicita, tendo en conta as características deste, cunha extensión máxima de 20 folios.

Quinto.-A selección das/os aspirantes será realizada por unha comisión integrada polo seguintes membros:

-Presidente: a/o secretaria/o xeral ou persoa na que delegue.

-Vogais: ata un máximo de catro vogais, coa categoría de subdirectores xerais ou xefas/xefes de servizo da Consellería de Educación e Ordenación Universitaria ou membros da Inspección Educativa.

-Unha/un funcionaria/o da Consellería de Educación e Ordenación Universitaria, que actuará como secretaria/o con voz e sen voto.

A comisión poderá solicitar a incorporación aos seus traballos de asesoras/asesores especialistas, limitándose as/os devanditas/os asesoras/asesores a prestaren a súa colaboración.

Ademais poderá asistir á comisión unha/un representante de cada organización sindical con presenza na mesa sectorial docente non-universitaria, con voz e sen voto.

Sexto.-Para a valoración dos puntos 1, 2, 3.1, 3.2, 4.1 e 7 do baremo establecido no anexo II a comisión de selección poderá delegar esta función nunha subcomisión formada por funcionarias/os da Secretaría Xeral da Consellería de Educación e Ordenación Universitaria. Unha vez feita esta, os resultados serán publicados nos taboleiros de anuncios da con-

sellería e das delegacións provinciais, así como no enderezo electrónico <http://www.edu.xunta.es/>, sinalando a relación de excluídas/os e a causa da súa exclusión e establecendo un prazo de 10 días naturais desde a súa exposición para presentar as reclamacións que procedan.

Todos/as os/as aspirantes que obteñan unha puntuación mínima de 4 puntos no proxecto poderán ser convocados pola comisión de selección á realización dunha entrevista para mellor apreciar as circunstancias que concorren neles/as e que versará sobre o proxecto presentado.

Sétimo.-Os membros da comisión e, de ser o caso, da subcomisión, estarán suxeitos ás causas de abstención e recusación establecidas nos artigos 28 e 29 da Lei de réxime xurídico das administracións públicas e do procedemento administrativo común, e terán dereito a percibir asistencias e axudas de custo por concorreren ás sesións, conforme o Decreto 144/2001, do 7 de xuño (DOG do 25 de xuño), estando cualificadas na categoría primeira.

Oitavo.-Aqueles/es aspirantes que non acaden unha puntuación mínima de 4 puntos no proxecto e de 4 puntos na entrevista, no caso de ter lugar, non poderán ser propostos pola comisión. Serán seleccionadas/os aquelas/aqueles aspirantes que, obtendo as puntuacións mínimas sinalados, acaden as maiores puntuacións no total dos puntos recollidos no baremo establecido no anexo II, para a praza que solicitan.

Noveno.-No caso de producirse empates no total das puntuacións outorgadas, estes resolveranse, atendendo sucesivamente e por esta orde á maior puntuación nos puntos 5, 1, 3.3, 4.2, 3.1, 3.2, 4.1 e 2.

Décimo.-Unha vez realizado todo o proceso anterior, a comisión de selección proporalle á conselleira de Educación e Ordenación Universitaria a adxudicación dos postos, que será obxecto de publicación no *Diario Oficial de Galicia*, e pola que se entenderán notificados, para todos os efectos, as/os concursantes aos que lles afecte. Contra esta resolución poderase interpoñer potestativamente recurso de reposición perante este mesmo órgano, no prazo dun mes contado a partir do día seguinte ao da súa publicación. De non considerar oportuna a interposición do citado recurso, poderase formular directamente recurso contencioso-administrativo, no prazo de dous meses, perante o Tribunal Superior de Xustiza de Galicia conforme se establece na Lei 29/1998, do 13 de xullo, reguladora da xurisdición contencioso-administrativa.

Décimo primeiro.-O prazo máximo para notificar a resolución deste procedemento será de 6 meses contados desde o día da súa publicación no *Diario Oficial de Galicia*, tendo efectos desestimatorios por falta de resolución expresa nese período.

Décimo segundo.-As/os seleccionadas/os deberán incorporarse ás prazas obtidas o 1 de setembro do ano 2008, cesando no seu destino de procedencia o 31 de agosto do mesmo ano.

As prazas adxudicadas serano en comisión de servizos, por un período de dous anos e un máximo de seis e con reserva do posto de traballo de orixe, de acordo co disposto no punto 2º do artigo 3 do Decreto 244/1999, do 29 de xullo.

Disposicións derradeiras

Primeira.-Autorízase a Secretaría Xeral para dicitar as disposicións que sexan necesarias para a aplicación e desenvolvemento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 3 de marzo de 2008.

Laura Sánchez Piñón
Conselleira de Educación e Ordenación
Universitaria

ANEXO I

Nº do posto: 1.

Convenio: Consellería de Sanidade.

Destino	Hospital Cíes de Vigo.
Prazas:	1 praza para mestres/as.
Funcións	Proseguir a súa formación durante a permanencia no hospital, sen que a actividade docente cause prexuízos ao seu benestar e non obstaculice os tratamentos correspondentes. Manter hábitos de estudo. Coordinación cos centros educativos aos que asisten normalmente. Estimular a actividade creativa para evitar o aburrimiento. Dar un carácter positivo e contido formativo aos tempos libres e de ocio no hospital.
Requisitos preferentes	Especialidade de PT, licenciado en psicopedagogía, experiencia en orientación, formación en atención á diversidade.
Observacións	Horario adaptado ás necesidades do centro.

Nº do posto: 2.

Convenio: Asociación Diminuídos psíquicos de Santiago (ASPAS).

Destino	Centros de Santiago de Compostela.
Prazas	1 praza para mestras/es.
Funcións	Integración social dos mozos e mozas diminuídos. A través do traballo, como terapia fundamental mellorar a situación persoal e a calidade de vida destes mozos discapacitados. Actividades axeitadas á súa situación. Realizar e, se é o caso, coordinar todas as actividades escolares e extraescolares do centro. Traballo en programas de desenvolvemento integral.
Requisitos	Experiencia en educación especial. Especialista en pedagogía terapéutica ou en orientación educativa. Cursos de plástica.
Observacións	Horario adaptado ás necesidades do centro.

Nº do posto: 3.

Convenio: Vicepresidencia da Igualdade e do Benestar.

Destino	Centro: Santo Anxo de Rábade-Lugo.
Prazas	Lugo: 1 profesor/a de ensino secundario no ámbito sociolingüístico. 1 profesor/a de ensino secundario no ámbito sociotecnolóxico.
Funcións	Docencia no centros ás/aos internas/os que, por diversos motivos, non asistan a clases en centros ordinarios. Apoio educativo ás/aos internas/os que estean escolarizados en centros ordinarios e coordinación destes centros. Apoio educativo ás/aos internas/os matriculadas/os en modalidades de educación a distancia.
Requisitos	Experiencia de tres anos, como mínimo, na educación de adultos e de traballo con persoas con necesidades educativas especiais. Coñecemento en informática de usuario.
Observacións	Disponibilidade horaria (xornada partida para adaptarse ás necesidades das/os internas/os).

Nº do posto: 4.

Convenio: ONCE.

Destino	Centro base da ONCE: Pontevedra, A Coruña e Vigo.
Prazas	4.1. A Coruña: 1 mestra/e. 4.2. Pontevedra: 1 mestra/e. 4.3. Vigo: 1 mestra/e.
Funcións	Atención á educación integrada de cegas/os e deficientes visuais, cunha intervención directa, presencial e personalizada coa/o alumna/o. Atención á familia. Asesoramento ao profesorado da aula. Adaptación de materiais.
Requisitos	Disponibilidade de vehículo particular.

Nº do posto: 5.

Convenio: Consellería de Medio Ambiente e Desenvolvemento Sostible.

Destino	Castelo de Santa Cruz-Concello de Oleiros. (Centro de Extensión Universitaria e Divulgación Ambiental de Galicia (CEIDA) 1 posto.
Prazas	Prazas: 1 profesor de ensinanza secundaria. Especialidade: preferentemente bioloxía, física e química.
Funcións	-Recoller as achegas en educación ambiental dos diferentes colectivos implicados nos procesos educativos regrados e non-regrados e presentar as propostas elaboradas. -Desenvolver accións normativas de educación ambiental nas aulas da natureza e realizar o seguimento dos resultados. -Establecer liñas de colaboración cos seminarios permanentes de renovación pedagóxica, asociacións ecoloxistas e demais colectivos implicados no ámbito da educación ambiental.
Requisitos	Experiencia en programación, organización, coordinación e dirección de actividades de formación. Coñecementos do medio natural (masters, cursos, publicacións, etc.).
Observacións	Horario da Administración xeral. Postos Castillo de Santa Cruz, posible horario de mañá e tarde.

Nº do posto: 6.

Convenio: *Fundación Preescolar na Casa*.

Destino	Zonas de traballo de Preescolar na Casa, que se especifican a continuación: -Provincia da Coruña: 6.1. Concellos de Cerdido, Miño, Mañón, Moeche, Ortigueira, As Pontes de García Rodríguez, San Sadurniño, Vilarmarior. -Provincia de Lugo: 6.2. Servizo de Recursos-Lugo.
Prazas	A Coruña: 1 (mestra/mestre). Lugo: 1 (mestra/mestre).
Funcións	Para a praza da Coruña: -Para o traballo coas familias: estudo da zona (recollida de datos, convocatorias e visitas ás familias). Planificación e realización de xuntanzas de orientación quincenais coas familias. Contacto coas persoas e institucións da zona que poidan ter relación co traballo, participación nas reunións de zona e xerais, organización de actividades diferentes ás reunións de orientación (excursións, charlas, exposicións, etc.), colaborar cos diferentes medios do programa (revista, radio e televisión). Para a praza do servizo de recursos: -Para o traballo do servizo de recursos: elaboración de guións, localizar e visionar os lugares de gravación (toda Galicia), gravar en exteriores (toda Galicia), editar o programa na TVG, elaborar o teletexto e a páxina web, outras actividades relacionadas co programa (bases de datos, xestión de programas, etc.). -Apoio aos orientadores e equipos de zona, elaboración, análise e impulso de accións educativas, deseño e posta en marcha dos plans de formación, participar en foros de interese para o programa (en España e no estranxeiro), facer a avaliación global do programa.
Observacións	O carácter itinerante do programa implica a necesidade de: carné de conducir e dispoñibilidade de vehículo. A especificidade do traballo implica flexibilidade horaria. As zonas de traballo poderán ser modificadas baseándose nas necesidades das poboacións atendidas.

Nº do posto: 7.

Convenio: Vicepresidencia da Igualdade e do Benestar.

Destino	Secretaría Xeral da Igualdade-Santiago de Compostela.
Prazas	Santiago de Compostela: 1 (mestra/mestre).
Requisitos	Profesorado de ensino secundario: especialidade en intervención sociocomunitaria ou profesor técnico de formación profesional: especialidade en servizos á comunidade ou mestra/mestre: especialidade en educación infantil.
Funcións	Tarefas que se van desenvolver: coordinación pedagóxica da rede de escolas infantís 0-3 (Galescolas).

ANEXO II

Conceptos	Puntuación	Total puntos máximo	Documentos xustificativos
1. Antigüidade: Por cada ano de servizo como funcionaria/o de carreira. Para estes efectos computaranse os servizos docentes previos recoñecidos conforme a lei 70/1978; non se computarán os exixidos como requisito.....	0,50 puntos	5 puntos	Folla de servizos.
2. Méritos académicos: 2.1. Polo título de doutora/doutor..... 2.2. Titulacións de segundo ciclo: por cada licenciatura, enxeñaría, arquitectura ou títulos declarados legalmente equivalentes..... 2.3. Titulacións de primeiro ciclo: pola segunda diplomatura ou os 3 primeiros cursos dunha licenciatura.....	1 punto 0,5 puntos 0,25 puntos	2 puntos	Copia compulsada das titulacións alegadas.
3. Formación e perfeccionamento: 3.1. Por cursos superados que teñan por obxecto o perfeccionamento sobre os aspectos científicos e didácticos, organizados polas administracións educativas que se atopen en pleno exercicio das súas competencias en materia educativa, por institucións sen ánimo de lucro que fosen homologadas polas administracións precitadas, así como os organizados polas universidades (0,10 puntos por cada 10 horas de cursos superados acreditados) 3.2. Por outras actividades de formación e perfeccionamento en materia educativa, incluída a impartición de cursos (0,10 puntos por cada 10 horas)..... 3.3. Por actividades de formación específica directamente relacionadas co posto ó que se pretende acceder (0,10 puntos por cada 10 horas).....	Ata 2 puntos Ata 1 punto Ata 3 puntos	6 puntos	Copia compulsada da documentación alegada.
4. Publicacións, proxectos, innovacións técnicas: 4.1. Por publicacións de carácter didáctico ou científico, proxectos e innovacións técnicas, de carácter xeral..... 4.2. Por publicacións de carácter didáctico ou científico, proxectos e innovacións técnicas, relacionadas coa praza que se solicita..... (Deberán contelo ISBN, agás as excepcións recollidas na lexislación vixente)	Ata 1 punto Ata 2 puntos	3 puntos	Documentación orixinal ou copia cotexada.
5. Proxecto de traballo: O proxecto de traballo deberá conter os obxectivos, planificación xeral, actividades, xustificación e definición á que corresponde a praza que se solicita..... (puntuación mínima exixida por este punto: 4 puntos)	Ata 6 puntos polo proxecto	Ata 6 puntos	Orixinal, cunha extensión máxima de 20 folios.
6. Entrevista sobre o proxecto presentado (puntuación mínima exixida por este punto: 4 puntos)	Ata 6 puntos pola entrevista	Ata 6 puntos	

ANEXO III

Datos de identificación

Corpo ao que pertence

Disciplina

--	--

Primeiro apelido

Segundo apelido

--	--

Nome

DNI

NRP

--	--	--

Enderezo para efectos de notificación:

Rúa e nº

Teléfono

Localidade

Código postal

Datos destinos

Centro de destino definitivo 2007-2008

Localidade

--	--

Centro de destino provisional 2007-2008

Localidade

--	--

Prazas que solicita por orde de preferencia:

Orde pref.	Nº posto	Orde pref.	Nº posto	Orde pref.	Nº posto	Orde pref.	Nº posto
1		2		3		4	
5		6		7			

_____, ____ de _____ de 2008.

Sinatura do interesado/a

ANEXO IV

Primeiro apelido	Segundo apelido	
<input type="text"/>	<input type="text"/>	
Nome	DNI	NRP
<input type="text"/>	<input type="text"/>	<input type="text"/>

Concepto	Puntuacións parciais	Total
1. Antigüidade (máximo 5 puntos). Por cada ano de servizo como funcionaria/o de carreira. Para estes efectos computaránse os servizos docentes previos recoñecidos conforme a Lei 70/1978; non se computarán os exixidos como requisito.	0,50	
2. Méritos académicos (máximo 2 puntos)		
2.1. Polo título de doutor.....	1	
2.2. Titulacións segundo ciclo	0,5	
2.3. Titulacións primeiro ciclo.....	0,25	
3. Formación e perfeccionamento (máximo 6 puntos).		
3.1. Por cursos superados que teñan por obxecto o perfeccionamento sobre os aspectos científicos e didácticos, organizados polas administracións educativas (0,10 puntos por cada 10 horas).....	Ata 2 puntos	
3.2. Por outras actividades de formación (0,10 puntos por cada 10 horas).....	Ata 1 punto	
3.3. Por actividades de formación específica directamente relacionadas co posto ao que se pretende acceder (0,10 puntos por cada 10 horas).....	Ata 3 puntos	
4. Publicacións, proxectos, innovacións técnicas (máximo 3 puntos)		
4.1. Por publicacións de carácter didáctico de carácter xeral.....	Ata 1 punto	
4.2. Por publicacións de carácter didáctico relacionadas coa praza que solicita.....	Ata 2 puntos	

SERVIZO GALEGO DE SAÚDE

Resolución do 28 de febreiro de 2008, da División de Recursos Humanos e Desenvolvemento Profesional, pola que se aproba a resolución provisional do concurso de traslados para a provisión de prazas de diversas categorías convocado por Resolución do 20 de xuño de 2007.

De conformidade co previsto na base 7.2 da Resolución do 20 de xuño de 2007 (DOG nº 125, do 29 de xuño), pola que se convoca concurso de traslados para a provisión de prazas de diversas categorías do Servizo Galego de Saúde, rematada pola comisión de baremación a tarefa de baremación dos méritos alegados e acreditados polos concursantes, procede aprobar a resolución provisional do concurso de traslados.

En consecuencia, este centro directivo

ACORDA:

Primeiro.-Declarar resolto provisionalmente o concurso de traslados para a provisión de prazas pertencentes ás categorías de fisioterapeuta, enfermeira especialista en obstetricia e xinecoloxía, técnico especialista en anatomía patolóxica, técnico especialista hixienista dental, técnico especialista en laboratorio, técnico especialista en radiodiagnóstico, técnico especialista en radioterapia, terapeuta ocu-

pacional, calefactor, cociñeiro, condutor, grupo técnico da función administrativa, grupo de xestión da función administrativa, grupo administrativo, lavandeira, pasadora de ferro, pinche, técnico de xestión de sistemas e tecnoloxías da información, técnico especialista de sistemas e tecnoloxías da información e telefonista do Servizo Galego de Saúde, convocado por Resolución do 20 de xuño de 2007, adxudicando a puntuación provisional acadada e, se é o caso, o destino tamén dun xeito provisional, sen que este supoña ningún dereito ou expectativa ata que sexa publicada posteriormente a resolución definitiva.

As correspondentes listaxes de adxudicación atópanse expostas nos servizos centrais e periféricos da Consellería de Sanidade e do Servizo Galego de Saúde, así como nos diferentes centros de xestión de atención primaria e especializada deste e na páxina web www.sergas.es.

Segundo.-Declarar excluídos provisionalmente do concurso de traslados os concursantes, se é o caso, que en cada categoría aparecen reflectidos como tales polas causas que se especifican nas listaxes provisionais de admitidos e excluídos.

Terceiro.-De conformidade co establecido na base 7.3 da citada resolución, os interesados disporán dun prazo de quince días hábiles contados a partir do seguinte ao da publicación no *Diario Oficial de Galicia* desta resolución provisional, para formularen reclamacións contra ela ou, se é o caso, para